



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-225-2/26**
Datum: **04.06.2026. godine**

«Agencija za vodno područje rijeke Save» Sarajevo, rješavajući zahtjev Investitora „GRAKOP“ d.o.o. Kiseljak, za izdavanje prethodne vodne saglasnosti za ispuštanje tehnoloških otpadnih voda iz poslovnog objekta – magacina koji se planira izgraditi uz izgrađenu benzinsku stanicu u ulici Gromiljak bb, Kiseljak, na osnovu člana 139. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E

1. Odbija se zahtjev Investitora „GRAKOP“ d.o.o. Kiseljak, za izdavanje prethodne vodne saglasnosti za aktivnost ispuštanja tehnoloških otpadnih voda iz poslovnog objekta – magacina, koji se planira izgraditi uz izgrađenu benzinsku stanicu, u ulici Gromiljak bb, Kiseljak, na zemljištu označenom kao k.č. 125/1 K.O. Gromiljak, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene njegove namjene, a pri čemu bi dolazilo do produkcije i ispuštanja tehnoloških otpadnih voda u površinske vode ili okoliš, Investitor je dužan pribaviti vodne akte od nadležnog organa.

O b r a z l o ž e n j e

Investitor „GRAKOP“ d.o.o. Kiseljak, podnio je zahtjev broj: 01/1-113/26 od 19.05.2026. godine za izdavanje prethodne vodne saglasnosti za aktivnost ispuštanja tehnoloških otpadnih voda iz poslovnog objekta - magacina koji se planira izgraditi uz izgrađenu benzinsku stanicu u ulici Gromiljak bb, Kiseljak, na zemljištu označenom kao k.č. 125/1 K.O. Gromiljak.

U postupku je dostavljena i pregledana sljedeća dokumentacija:

A. Opšta dokumentacija

- Zahtjev za prethodnu vodnu saglasnost broj: 01/1-113/26 od 19.05.2026. godine,
- Aktuelni izvod iz sudskog registra, matični broj: 051-0-RegZ-26-000617 od 26.03.2026. godine izdat od Općinskog suda u Travniku - kopija,
- Rješenje o vodnoj dozvoli broj: UP-1/21-3-40-188-4/23 od 23.05.2023. godine izdato od «Agencije za vodno područje rijeke Save» Sarajevo,
- Rješenje o urbanističkoj saglasnosti za benzinsku stanicu broj: 03-23-744/03 od 27.11.2003. godine izdato od strane Službe za gospodarstvo, urbanizam, prostorno uređenje, Općinsko vijeće Kiseljak - kopija,
- Rješenje o građevinskoj dozvoli za benzinsku stanicu broj: 03-23-745/03 od 01.12.2003. godine izdato od strane Službe za gospodarstvo, urbanizam, prostorno planiranje, Općinsko vijeće Kiseljak - kopija,
- Izvod iz projekta – Dogradnja benzinske stanice „GRAKOP“ izrađen od strane ORTHO d.o.o. Sarajevo, februar 2025. godine - kopija.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dostavljene dokumentacije utvrđeno je sljedeće:

Lokacija poslovnog objekta – magacina koji se planira izgraditi uz izgrađenu benzinsku stanicu se nalazi u ulici Gromiljak bb, Kiseljak, na zemljištu označenom kao k.č. 125/1 K.O. Gromiljak.

Podnosilac zahtjeva je u svom aktu naveo da će se dogradnja izvršiti uz objekat benzinske stanice, te da je namjena objekta magacin, što je utvrđeno i iz dostavljene dokumentacije.

Za postojeći objekat - benzinsku stanicu, Agencije je izdala Rješenje o vodnoj dozvoli broj: UP-1/21-3-40-188-4/23 od 23.05.2023. godine.

U procesu rada ne nastaju tehnološke vode, jer se u radu objekta ne koristi voda.

U planiranom objektu neće nastajati tehnološke otpadne vode iz procesa rada, a kako je to utvrđeno odredbama člana 3. stav (1) tačka cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav (1) tačka s), a u vezi sa tačkom cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav (1) tačka 3. Zakona o vodama («Službene novine Federacije BiH», broj 70/06), u skladu s članom 200. Zakona o upravnom postupku («Službene novine Federacije BiH», broj 2/98, 48/99 i 61/22) riješeno je kao u dispozitivu ovog rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmedić Behija dipl.inž.tehn.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.grad.

Dostaviti:

- „GRAKOP“ d.o.o. Kiseljak, ul. Gromiljak bb, Kiseljak
- 👁 AVP Sava, ISV-vodna knjiga
- Sektor 40 – arhiva
- Oglasna ploča – AVP Sava